

# Veiðiblaðið

MIÐVIKUDAGUR 20. JÚNÍ 2018

Kynningar: Veiðiflugur



Þórdís Lóa Þórhallsdóttir, nýkjörinn borgarfulltrúi og formaður borgarráðs, hefur verið veiðikló frá blautu barnsbeini og sýnir hér stolt lax sem hún landaði í Norðurá. MYND/ÚR EINKASAFNI

## Með veiðidellu frá barnæsku

Þórdís Lóa Þórhallsdóttir, nýkjörinn formaður Borgarráðs, er með ólæknandi veiðidellu að eigin sögn sem nær allt aftur til bernskuáranna. Hún hlakkar mikið til veiðisumarsins og verður viðstödd þegar Reykvíkingur ársins opnar Elliðaárnar í dag. ➔2

## Framhald af forsiðu →

Brynhildur  
Björnsdóttir

brynhildur@frettabladid.is



Þó að ég sé uppalin í Breiðholtinu þá er ég ættuð úr Suður-Þingeyjarsýslu þar sem fjölskyldan á jörð og partur af þeirri jörð er vatn sem heitir Másvatn,“ segir Þórdís Lóa um upphaf veiðidellunnar sem hún hefur verið haldin frá því hún var barn. „Og frá því ég er krakki er ég úti á bát öll sumur að veiða, bæði í net og á spún og svo leggjum við líka net undir is svo eitthvað sé nefnt. Þetta þróast út í veiðidellu og ég hef verið með hana síðan og núna veiði ég í rauninni allt.“ Minnisstæðasti fiskurinn sem fjölskyldan hefur veitt kom einmitt úr Másvatni. „Foreldrar mínir náðu einu sinni alveg svakalega stórum silungi úr vatninu. Hann var svo stór að hann var langt fyrir utan möskvastærðina en hékk á kjaftinum í netinu. Þetta var því líkt flykki, mjög stór og þéttur og við létum stoppa hann upp. Nú er hann uppi á vegg til marks um að það sé nóg fæða í Másvatni, bæði fyrir menn og dýr.“

Þórdís Lóa stundar bæði skotveiði og fiskveiði og hefur veitt í ýmsum ám. „Ég fór smám saman að veiða í öðrum ám, byrjaði á Litluá í Kelduhverfi, prófaði að veiða fyrir sunnan og í dag fer ég í tvær til þrjár veiðiferðir á sumri í silung og lax auk þess að þegar ég er fyrir norðan, sem er í svona mánuð á hverju sumri, er ég í útgerð á hverjum einasta degi, veiði bæði í net og á flugu.“ Hún segist þó ekki hafa farið í dýrustu árnar. „Ég er bara venjulegur veiðimaður en hef farið mikið í silunginn í Laxá. Ég fer einu sinni á ári í Norðurá en annars er ég í sjóbirtingi og silungi og ódýrari laxveiðiám. Uppáhaldið mitt er fluguveiði og upphaldsáin er Laxá fyrir norðan því öll svæðin í henni eru svo ólík.“

Hún segir að netaveiðin sé mikið sport auk þess sem framleiðslan verður sjálfkrafa meiri. „Ég er mikið fyrir að búa til mat og nýta það sem ég veiði. Ég er í slow food og er búin að finna ýmsar aðferðir til að nýta silunginn, við reykjum hann, bæði heitreykjum og kaldreykjum og grófum líka en erum með sérstaka uppskrift sem er fjölskylduleyndarmál náttúrulega,“ segir Þórdís Lóa og kímir. „Það veltur svo á sumrinu hversu mikið ég get verið fyrir norðan og þar af leiðandi hversu mikið ég framleiði og veiði af silungi.“ Hún reynir að nýta silunginn strax. „Silungurinn er þannig að mínu mati að hann geymist ekkert of vel ferskur í frýsti



Þórdís Lóa Þórhallsdóttir, formaður borgarráðs, hlakkaði til að vera við opnun Elliðaánna í morgun. MYND/ERNIR



Þórdís Lóa nýtir fiskinn sem hún veiðir vel og bæði grefur, heitreykir og kaldreykir. Hér er hún í Langá.

MYND/ÚR EINKASAFNI

“Mér finnst mjög gaman að vesenast í þessu og þegar ég er á leiðinni í veiði er ég vikuna á undan að dunda við að fara yfir græjurnar og gera mig klára.

þannig að ég reyni yfirleitt að klára hann fyrir jól. Og svo veiði ég gegnum is á veturna svo þá fáum við ferskan fisk aftur. Það er svo ágætt að taka sér smá fri frá silungi, þá er hann enn þá betri næst.“

Þegar veiði er stunduð af slíkrri einurð hlýtur að vera mikið lagt í græjurnar og Þórdís Lóa viðurkennir að vera mikil græjukona. „Ég á tvær upphaldsstangir, eina Reddington sexu sem er mjúk og æðisleg og svo á ég eina langa áttu frá Sage sem er algjört æði. Þarna er ég búin að finna stangir sem henta mér, bæði hvað varðar mykt og styrk og er rosalega ánægð með þær. Svo er ég með stóra tösku og á til að mynda fimmtán flugubox. Mér finnst mjög gaman að dunda í þessu og þegar ég er á leiðinni í veiði er ég vikuna á undan að dunda við að fara yfir græjurnar og gera mig klára.“ Hún segist ekki enn vera byrjuð gera sínar eigin flugur. „Ég ætla að spara mér það, byrja á því seinna og hella mér út í það þá. Ég á nokkra veiðifélaga sem eru algjörir snillingar í því að hnýta flugur og ég fæ hjá þeim.“

Hvað varðar veiðifatnað segist hún hins vegar ekki velta sér of mikið upp úr því að vera í merkjavöru. „Ég á ýmsar tegundir af fötum og finnst gaman að reyna að vera smá retró. Upphaldsveiðiskyrtan mín er úr Vinnufatabúðinni og svo veiði ég svolítið í lopapeysu,“ segir hún.

Veiðiferðir sumarsins eru nokkuð skipulagðar og þegar þetta er skrifað biður Þórdís Lóa eins veiðiviðburðar með sérstakri tilhlökkun. „Nú er ég svo heppin að vera nýr formaður borgarráðs og þá fæ ég að taka þátt í því að sjá Reykvikings ársins opna Elliðaárna. Ég hef veitt í ánni en hef aldrei verið viðstödd þegar hún er opnuð. Ég geri ráð fyrir að ég fái kannski að dýfa ofan í.“ Elliðaárna voru einmitt opnaðar í morgun svo hver veit nema Þórdís Lóa hafi landað einum fiski á meðan þú last þetta?



Þórdís Lóa hefur jafngaman af stangveiði og netaveiði enda haldin ólæknandi veiðidellu að eigin sögn. Hér stendur hún í Laxá í Kjós. MYND/ÚR EINKASAFNI

# Íslensk hönnun í fyrsta sæti

Verslunin Veiðiflugur er eina sérhæfða fluguveiðiverslun landsins. Þar er höfuðáhersla lögð á gæði og gott úrval og fyrir sumarið hefur vöruframboðið verið aukið mikið. Þar ber helst að nefna íslenskar flugur, hannaðar af íslenskum veiðimönnum, sem hafa vakið mikla athygli.

Sumarið er tíminn þegar fluguveiðimenn fara á stjá. Opnað hefur verið fyrir veiði í hverri ánni á fætur annarri að undanfögnu og virðist sem veiði fari víðast hvar vel af stað. Til þess að landa þeim stóra þarf að mæta vel búinn á bakkann og þar kemur verslunin Veiðiflugur sterk inn. Friðjón Mar Sveinbjörnsson, eigandi Veiðiflugna, segir að fleiri fluguveiðimenn vilji nota íslenskar flugur og því hafi vöruframboðið af íslensku handverki verið stórbætt. „Okkur hefur fundist íslenskt handverk hafa orðið undir í samkeppninni á undanfögnu árum enda mikið flutt inn af ódýrum flugum. En þetta er að breytast og til þess að aðstoða við að snúa við þeirri þróun fengum við nokkra íslenska hnýtara til liðs við okkur.“

Friðjón segir að hugmyndin sé sú að gera íslenskum fluguhnýturum hátt undir höfði og styðja þannig við íslenska hönnun.

„Um leið svörum við kalli viðskiptavina um fjölbreytt vöruúrval og erum komin á þann stað núna að geta boðið upp á nánast allar þær flugur sem veiðimenn kjósa.“



Frances Hexagon

Okkur hefur fundist íslenskt handverk hafa orðið undir í samkeppninni á undanfögnu árum enda mikið flutt inn af ódýrum flugum. En þetta er að breytast.

## Haugur, Hrappur og Friggi

Meðal þeirra flugna sem í boði eru má nefna Haug, Von og Skugga eftir Sigurð Hæðin Harðarson og eru þær til í öllum stærðum og gerðum. Þá bjóða Veiðiflugur upp á nýju Hexagon-kónana sem eru litlar

Frances-túpur með niðþungum tungstenhaus. „Hexagon Frances verður án efa vinsælasta flugan í sumar ef marka má viðtökur veiðimanna og

laxa,“ segir Friðjón. Jafnframt verður veiðimönnum boðið upp á flugurnar hans Nils Folmer, þ. á m. Ernu, Autumn Hooker, Radian og Laxa ásamt fjölmörgum öðrum sem enn eru



Það er mikið úrval af frábærum flugum í versluninni Veiðiflugur við Langholtsveg auk annarra veiðivara.



Veiðiflugurnar í versluninni eru af margvislegum stærðum og gerðum, íslenskar og erlendar.

ónefndar. Flugurnar Valbeinn, Hrappur, Móa og Móri eftir Þorbjörn Helga (Reiðu öndina) þykja magnaðar og þær verða að sjálf-sögðu í fluguborðinu. Þá eru Friggarnir frá Baldri Hermannssyni til í öllum útfærslum, þ.e. micro, tommu og háltommu. Að auki verða í boði ein- og tvíkrækjur frá Péttri Steingrímssyni, s.s. Hekla, Metallica, Bill Young, Black Beam, Doctor Wende og Green Conrad.

„Við gleymum heldur ekki silungsveiðimönnum því í sumar bjóðum við allar helstu þingvallaflugurnar frá Pjetri Maack. Eins er mikið úrval af tungsten-púpum í andstreymisveiðina, bæði eftir erlenda og inn-

lenda hnýtara, en þar ber helst að nefna Sigurberg Guðbrandsson.“

Friðjón segir að þetta sé samt aðeins brot af þeim nýjungum sem Veiðiflugur muni bjóða upp á í sumar. „Við verðum að sjálf-sögðu með ýmis leynivopn sem hafa aðeins verið í boxum fárra, Stuðpinnana sem er samheiti örgrannra Sunray-a, og þá er ein vinsælasta fluga síðasta sumars, Zeldan, eftir Kjartan Antonsson, á sínum stað.“

Opið er í Veiðiflugur frá 09.00-18.00 alla virka daga og frá 10.00-16.00 á laugardögum. Þá er alltaf opið á [www.veidiflugur.is](http://www.veidiflugur.is).



EF FLUGAN EKKI FÆST Í VEIÐIFLUGUM,  
ER SENNILEGAST AÐ Á HANA FÁIST ENGINN FISKUR



# Fluguveiði til heilsubótar

„Kastað til bata“ er verkefni á vegum Krabbameinsfélagsins og Brjóstaheilla þar sem konum sem lokið hafa meðferð við brjóstakrabbameini er boðið í stangveiði. Í ár var veitt í Varmá.

Sigríður Inga Sigurðardóttir  
sigriduringa@frettabladid.is



Átta ár eru frá því að verkefninu „Kastað til bata“ var hrundið af stað hér á landi. Auður Elísabet Jóhannesdóttir, hjúkrunarfræðingur hjá Krabbameinsfélagi Íslands, hefur haft umsjón með verkefninu síðan 2014 en það kemur upphaflega frá Bandaríkjunum undir nafninu „Casting for recovery“.




Auður segir margar kvennanna aldrei hafa veitt áður.

## FRÉTTABLAÐIÐ

### Fréttablaðið með þér í sumar.

Þú getur nálgast frítt eintak af Fréttablaðinu á eftirfarandi stöðum víðsvegar um landið:



FRÉTTABLAÐIÐ  
mest lesna dagblað landsins.



Mikil og góð stemning myndast í hópnum hverju sinni.

Verkefnið „Kastað til bata“ er hugsað sem endurhæfing fyrir konur sem hafa lokið meðferð við brjóstakrabbameini. Markmiðið með því er að veita konum tækifæri til að styrkja sig á líkama og sál með því að æfa fluguköst í fögru umhverfi, njóta samvita við veiðifélaga með svipaða reynslu að baki og veiða fisk ef heppnin er með.

„Þegar starfsfólk Krabbameinsfélagsins heyrði fyrst af þessu verkefni kveikti það strax áhuga þess, enda er Ísland kjörið land fyrir stangveiði sér til heilsubótar. Við erum fyrsta og eina Norðurlandabjóðin sem tekur þátt í „Kastað til bata“ en auk Bandaríkjanna fer það fram í Ástralíu, Englandi, Kanada og Nýja-Sjálandi. Með því að kasta flugu á stöng æfa konur sérstaklega brjóstvöðvana,“ segir Auður.

#### Ævintýraferð út í óvissuna


Krabbameinsfélagið og Brjóstaheill hafa notið stuðnings Stangveiðifélags Reykjavíkur og Veiðihornsins og segir Auður að án þess væri ekki hægt að láta verkefnið verða að veruleika.

„Við höfum fengið flottar ár og veiðihús til umræða og notið leiðsagnar reyndra veiðimanna. Það myndast ætíð skemmtileg stemning í hópnum en þetta er í raun bæði líkamleg og andleg endurhæfingarferð. Það skiptir konur gríðarlegu máli að hitta aðrar sem hafa gengið í gegnum sömu reynslu og þær sjálfar. Ég byrja að undir-

búa ferðina strax fyrir jólin og hún er auglýst í febrúarlok ár hvert. Fjórtnán konur komast í hópinn hverju sinni og veiðiferðin tekur tvo daga. Við förum yfirleitt í maílok eða júnibyrjun. Í ár var farið í Varmá í Hveragerði í byrjun júní,“ greinir Auður frá og að þessu sinni veiddust nokkrir fiskar. „Það vakti mikla lukku,“ segir hún brosandí og bætir við að margar kvennanna hafi aldrei veitt á flugu áður. „Þær vita í raun ekkert út í hvað þær eru að fara en flestum finnst þetta vera þvílíkt ævintýri.“

#### Veitt á bleikar stangir

Sage er styrktaraðili verkefnisins í Bandaríkjunum og hefur fyrir tækið látið framleiða sérstakar veiðistangir í bleikum lit því til styrktar. „Stöngin, veiðihjólíð og girnið kemur allt í bleikum lit. Við hjá Krabbameinsfélaginu sáum þær stangir og vorum spennir fyrir að fá þær líka. Sage sendi því fólk á sínum vegum hingað til lands og gaf okkur veiðistöng fyrir verkefnið. Núna á félagið fjórar slíkar stangir en við fáum þrjátíu þúsund krónur fyrir hverja bleika Sage fluguveiðistöng sem selst í Veiðihorninu.“ Auður er að eigin sögn ekki mikil veiðikona en henni finnst dásamlegt að fara í þessar veiðiferðir. „Það er eitthvað róandi við að standa við árbakkann og heyra árnidinn. Ég skil vel að fólk fái delli fyrir stangveiði,“ segir hún gláðlega.



**GUIDELINE**  
Wychwood



VATNSHELDUR RENNILÁS

3 LAGA NÆLON MEÐ DWR

20000MM VATNSHELDNISSTUÐULL

— WYCHWOOD SOURCE  
**PAKKATILBOÐ**

**KR 24.950,-**

25000MM VATNSHELDNISSTUÐULL

— GUIDELINE ALTA  
**PAKKATILBOÐ**

**KR 83.500,-**

VATNSHELDUR TZIP RENNILÁS

ULTRA SONIC SAMSUÐA

ENGIR INNAN SAUMAR

4 LAGA NÆLON TASLAN

— GUIDELINE LAXÁ  
**PAKKATILBOÐ**

**KR 46.950,-**

NEOPRENE SANDHLÍFAR

NEGLDIR GÚMMÍBOTNAR

VIBRAM SÓLAR

## GLÆSILEGIR VÖÐLUPAKKAR

Vöðlurnar frá Guideline og Wychwood eru traustar, þægilegar og slitsterkar. Ótrúlega léttar og stútfullar af allskyns eiginleikum svo stundir þínar á bakkanum verði sem ánægjulegastar. Mikil og góð vatnsheldni og öndun.  
- henta vel við allar íslenskar aðstæður.



DriftXL var valin í öðru sæti sem besta fluguveiðistöngin á eftir SAGE SALT HD á EFTTEX vörusýningunni árið 2017

VERÐ FRÁ

**KR 26.990,-**



**ALFA**

Allir sem versla sér Drift eða DriftXL stöng eiga þess kost að fá sér hjól frá Alfa á 20% afslætti!

### VEIÐITÖSKUR Í ÚRVALI

Mikið úrval af veiðitöskum, bakpokum, sling bags, mittistöskum, og græjugeymslum!



BOATMAN

**KR 17.890,-**

### FLUGUBARINN

er stútfullur af ljúffengum flugum fyrir alla veiði  
VERÐ FRÁ 200 KR STK!



**ÚTSKIPTANLEGIR BOTNAR**

### UPPFÆRÐU PAKKANN MEÐ KORKERS

15% afsláttur af Korkers vöðluskóm ef þú uppfærir og breytir vöðlupakkanum með Korkers.

ÞETTA ER FYRIR ÞÁ SEM VILJA ÞAÐ ALLRA BESTA

VÖNDUÐU FLUGUVEIÐIVÖRURNAR - MÖGULEGA BESTA VERÐIÐ Í BÆNUM



HLÍÐASMÁRI 13  
201 KÓPAVOGUR  
SÍMAR: 833 6440 / 833 6441  
Opíð virka daga frá 16:00 til 20:00  
Laugardaga opíð frá 11:00 til 16:00

info@flugubulln.is  
http://www.flugubulln.is

facebook.com/flugubulln/



# Veiðin veitir lífsgleði

Jón Gunnar Benjamínsson rekur ferðaskrifstofuna Iceland Unlimited sem býður upp á aðgengilegar ferðir um Ísland fyrir alla. Jón Gunnar ferðast um land allt á fjórhjól og notar það í veiði.

Elín  
Albertsdóttir  
elin@frettabladid.is



Jón Gunnar Benjamínsson ólst upp á bökkum Eyjafjarðarár og steig fyrstu sporin í veiðiskapnum í áveituskurðum sem liggja á landareign foreldra hans og út í Eyjafjarðará. „Eftir því sem maður eltist urðu ferðirnar nær og nær ánni uns við fórum að veiða þar. Við veiddum bæði bleikju og urriða,“ segir hann.

Jón Gunnar lenti í alvarlegu bílslysi árið 2007 sem leiddi til mænuskaða. Hann er lamaður fyrir neðan mitti en lætur það ekki stöðva sig frá veiði- eða fjallaferðum. Auk þess hefur hann ferðast um allan heim, nú síðast fylgdist hann með íslenska landsliðinu leika gegn Argentínu í Moskvu. „Hann segist ekki láta lömunina stöðva sig en bætir við að það hafi verið ómæld gleði þegar hann sá möguleika að nota fjórhjól til veiðiferða. „Þegar ég uppgötvaði þennan möguleika þurfti ég ekkert að hugsa um hann frekar. Það hefur reynst mér frekar einfalt að ferðast á hjólinu og ég læt þetta ganga. Ég einbeiti mér að þeim svæðum þar sem tiltölulega auðvelt er að fara um og engin



spjöll verða á viðkvæmri náttúru,“ upplýsir hann.

Hann segir að Blanda og Hítará séu í miklu uppáhaldi þótt þær séu ólíkar. „Þetta eru skemmtilegar ár. „Ég veiði meira í ám en vötnum en hef aðeins veitt stórrurriða í

Þingvallavatni undanfarið og líkað mjög vel. Ég nota flugu og mín eftirlætisfluga er Pheasant Tail enda yfirburðapúpa.“

Þegar Jón Gunnar er spurður um bestu veiðiferðina, svarar hann að þær séu orðnar margar. „Mér

finnst erfitt að velja úr en ætli ég segi ekki bara síðasta veiðiferðin í hvert skipti enda er hún ferskust í minninu. Ég sleppi fiskinum í 90% tilvika en tek einn og einn því fiskurinn er svo góður. Nokkrir lenda því á pönnunni,“ segir hann.

Jón Gunnar með einn stóran. Hann fer allra sinna ferða á fjórhjól og þekkir nokkrar ár sem henta vel fyrir hann.

„Áhugamálin gefa manni svo margv, félagsskap, útivist, hreyfingu og lífsgleði. Það er ómetanlegt. Veiðin endurnærir sálina og núllstillir mann.“

Jón Gunnar hvetur fólk í sambærilegri stöðu til að sinna áhugamálum sínum. „Áhugamálin gefa manni svo margv, félagsskap, útivist, hreyfingu og lífsgleði. Það er ómetanlegt. Veiðin endurnærir sálina og núllstillir mann. Ég hef alltaf verið mikill sportáhuga- maður.“

Jón Gunnar rekur ferðaskrifstofuna Iceland Unlimited. Hann sérhæfir sig ekki í veiðiferðum en segist senda slíkar fyrirspurnir á vini sína sem eru í þeim bransa þegar þær berast. „Við höfum engu að síður netað okkar viðskiptavini með veiðistöngum og Veiðikortinu ef þeir óska eftir ódýrum möguleika til að renna fyrir fisk. Það hefur mælst vel fyrir.“

## Norðurá fegurst áa



Bókanir fyrir 2019 hafnar.  
Vinsamlegast hafið samband við Einar:  
einar@nordura.is  
sími 893-9111

Skemmtileg veiði í alvöru á!

www.nordura.is

Eigum enn nokkrar stangir síðari hluta júlí og í byrjun ágúst í Norðurá II "Fjallinu".

# VEIÐIÞORTIÐ

ÚT Á GRANDA

ÚT Á GRANDA

Grandagarði 3, 101 Reykjavík, Sími 552 9940 | Opið mán.-fös. kl. 9-18. Laugard. kl. 9-16 Sunnud. kl 10-14

## Pro marine 360 cm og 420 cm

Traustir bátar sem eru bæði fyrir sjó og vötn. Koma í töskum og passa í skottið á meðal fjölskyldubílunum.



360 cm - 229.000 kr.  
420 cm - 289.000 kr.

Nánar um  
bátana á  
veidiportid.is

## Bellybátur frá keeper, taska, sundfit, og pumpa



Frábært  
verð  
24.900 kr.

## Flugustangar sett frá Jaxon og Vision Margar línustærðir í boði. Verð frá 19.900 Kr.



## Útdraganlegar kaststangir fyrir vatnaveiðina með hjóli og línu



Verð frá 5.900 Kr.

## Gömlu góðu bússurnar fást hjá okkur Verð frá 8.900 Kr.



veidiportid.is

## Gott úrval af vöðlujökkum frá Vision og Keeper Verð frá 13.900 kr



## Flott úrval af veiðivestum Verð frá 5.900 kr



## Barnavöðlur

Líklega mest seldu vöðlurnar á Íslandi  
St. 21-41 - 7.900 kr - 8.900 kr  
Bleikar, grænar eða bláar



## Níðsterkar PVC vöðlur sem virka í hvað sem er.

Besta verðið 10.900 kr



## Keeper vöðluskór. Níðsterkir og léttir vöðluskór á frábæru verði.

Verð 11.900 kr



## 6 metra langt fluguborð... ..pakkað af flugum



Opið  
á sunnudögum  
10-14 í allt sumar

## Vision Loikka. Líklega endingarbestu vöðluskórnir á markaðnum. Gúmmisóli og tungsten nagglar. Ódrepanði skór. Verð 28.900 kr





Veiðikortið gefur fjölskyldum tækifæri til að veiða saman.

## Veiðikortið er frábær kostur

Veiðikortið er frábær leið til að skjótast í ódýra veiði fyrir börn og fulloröna. Veiðikortið veitir aðgang að 34 vatnsvæðum vítt og breitt um landið og kostar 7.900 krónur. Með því fylgir glæsileg handbók þar sem finna má leiðbeiningar og reglur. Börn yngri er 14 ára fá að veiða frítt séu þau í fylgd korthafa. Veiðikortið er ákaflega sniðug gjöf þar sem það er ekki skráð á nafn. Notanda ber hins vegar að merkja það með kennitölu.

Þetta er fjórtánda starfsár Veiðikortsins en allt frá fyrsta degi hefur því verið vel tekið enda býður það upp á frábæra kosti í vatnaveiði. Veiðikortið hentar jafnt veiðimönnum sem fjölskyldufólki.

Hægt er að kaupa Veiðikortið 2018 á netinu, næstu N1-stöð, Olís-stöðvum, hjá Íslandspósti og í veiðivörverslunum um land allt og víðar. Einnig er hægt að kaupa Veiðikortið niðurgreitt hjá mörgum stéttarfélögum.



Plastpokar með rennilás hafa bjargað mörgum snjallsímum.

## Símanni í poka

Flestir vilja taka snjallsímann sinn með í veiði en það er alltaf viss hættu á að missa hann í ána eða vatnið eða lenda í slagviðri og þá er ekki að sökum að spyrja, símann getur auðveldlega eyðilagst. Þess vegna er bráðnaðsynlegt að hafa með í farteskinu litla plastpoka sem auðvelt er að loka vel og vandlega, helst með svokölluðum plastrennilás. Þótt plastpokarnir séu ekki það besta fyrir umhverfið er einstaklega gott að hafa þá við höndina og stinga farsímanum ofan í einn slíkan áður en farið er út í á eða vatn og loka vel fyrir. Koma þarf símanum fyrir á góðum stað, helst ofan í vasa sem hægt er að loka og þá helst brjóstvasa þar sem hann er öruggur fyrir vatni og vindum.

## Frískandi og lostætur bleikjuforréttur á bakkanum

Það er viðeigandi að gæða sér á nýveiddri bleikju með litilli fyrirhöfn en mikilli matargleði eftir góðan veiðidag.

### Bleikju ceviche

fyrir 4

**300 g bleikja**

**3 límónur**

**30 g rauðlaukur, fint skorinn**

**30 g skalotlaukur, fint skorinn**

**1 selleristilkur, finskorinn**

**1 gott knippi kóriander**  
**3 hvítlauksgeirar, finsaxaðir**  
**1 msk. jalapeño, finsaxað**  
**Salt og pipar**

Aðferð: Roðflettið og beinhreinsið bleikjuna, skerið hana í grófa teninga, setjið í skál og kryddið með salti og pipar. Bætið við rauðlauk, skalotlauk, sellerii, hvítlauk og kóriander. Kreistið safu úr þremur límónum yfir og blandið öllu vel saman. Berið strax fram og njótið! Heimild: fiskurimatinn.is



Bleikja er herramannsmatur og það er spennandi að matreiða hana á marga vísu.

Það er til ódýr laxveiði!

FARSÆL ÞJÓNUSTA VIÐ VEIÐIMENN SÍÐAN 1988

VEIÐIÞJÓNUSTAN  
**Strengir**  
[www.strengir.is](http://www.strengir.is)  
 ELLIDASON@STRENGIR.IS /// S. 660 6890